

An Eoraip a bhogadh i dtreo córas iarnróid
inbhuanaithe sábháilte gan teorainneacha

Glaó ar Iarratais do phost mar Chúntóir (Cúntóir Airgeadais/Riaracháin) san Aonad Acmhainní agus Tacaíochta (RSU)

Gníomhaire Sealadach 2(f) (AST3) – d’fhonn liosta ionadaithe a bhunú – ERA/AST/2023/001

I - SAINCHUNTAS POIST

Beidh an sealbhóir poist ag obair san Aonad RSU, faoi fhreagracht Cheannaire Foirne ITFM agus cuirfidh sé/sí tacaíocht ghinearálta airgeadais/riaracháin/eagrúcháin ar fáil i ndáil le feidhmiú laethúil na Gníomhaireachta maidir le gnéithe a bhaineann le TFC agus bainistíocht seirbhísí saoráidí/lóistíochta.

Príomhchúraimí agus príomhfhreagrachtaí:

- › Idirbhearta airgeadais a phróiseáil mar Ghníomhaire Iontrála Sonraí agus/nó mar Ghníomhaire Tionscnaimh i gcomhréir leis na rialacha agus na rialacháin is infheidhme:
 - o Gealltanais Airgeadais (e.g. forchoimeádais Chiste, Orduithe Ceannaigh);
 - o Gealltanais dhlíthiúla (e.g. Conarthaí sonracha, Foirmeacha ordaithe, Orduithe ceannaigh);
 - o Íocaíochtaí (e.g. Treoracha Íocaíochta, íocaíochtaí um thabhairt chun rialtacha);
 - o Orduithe aisghabhála.
- › Obair leantach a dhéanamh agus cúnamh a thabhairt chun faireachán a dhéanamh ar na línte buiséid,
- › Obair leantach a dhéanamh ar fhorghníomhú conartha agus ar thomhaltas Creachonarthaí,
- › Tacaíocht riaracháin a chur ar fáil de réir mar a éilíonn Ceannaire Foirne ITFM/Ceannaire an Aonaid Acmhainní agus Tacaíochta.

II - CRITÉIR INCHÁILITHEACHTA

Tá an nós imeachta roghnúcháin ar oscailt d’iarrthóirí a chomhlíonann gach ceann de na critéir incháilitheachta seo a leanas faoin dáta deiridh chun iarratais a chur isteach:

1. Riachtanais ghinearálta:

- › A bheith ina náisiúnach de Bhallstát den Aontas Eorpach¹ nó a bheith ina náisiúnach den Limistéar Eorpach Eacnamaíoch (an Íoslainn, Lichtinstéin, agus an Iorua);
- › A bheith i dteideal a cheart iomlán/a ceart iomlán mar shaoránach;

¹ Is iad seo a leanas Ballstáit an Aontais Eorpaigh : An Ostair, an Bheilg, an Bhulgáir, an Chróit, an Chipir, Poblacht na Seice, an Danmhairg, an Eastóin, an Fhionlainn, an Fhrainc, an Ghearmáin, an Ghréig, an Ungáir, Éire, an Iodáil, an Laitvia, an Liotuáin, Lucsamburg, Málta, an Ísiltír, an Pholainn, an Phortaingéil, an Rómáin, an tSlóvaic, an tSlóivéin, an Spáinn agus an tSualainn.

- › Aon oibleagáidí arna bhforchur le dlíthe is infheidhme a bhaineann le seirbhís mhíleata a bheith comhlíonta aige/aici²;
- › Na riachtanais charachtair maidir leis na dualgais atá i gceist a chomhlíonadh³;
- › A bheith corpacmhainneach chun na dualgais a bhaineann leis an bpost a chomhlíonadh⁴;
- › Eolas an-mhaith a bheith aige/aici ar theanga oifigiúil⁵ de chuid an Aontais Eorpaigh agus eolas sásúil a bheith aige/aici ar theanga oifigiúil eile⁶ de chuid an Aontais Eorpaigh, a mhéid is gá chun na dualgais a bhaineann leis an bpost a chomhlíonadh;
- › A bheith faoi bhun na haoise ag a gcuirtear baill foirne an Aontais Eorpaigh ar scor go huathoibríoch. Faoi láthair, is é sin an lá deiridh den mhí ina mbainfidh an ball foirne 66 bliana d'aois amach⁷.

2. Cáilíochtaí íosta:

- › Leibhéal oideachais iar-mheánscoile arna fhianú le dioplóma a bheith acu;
NÓ
- › Leibhéal meánoideachais arna fhianú le dioplóma lena dtugtar rochtain ar oideachas iar-mheánoideachais, agus taithí ghairmiúil chuí sé bliana ar a laghad.

Ní ghlacfar ach le cáilíochtaí arna n-eisiúint ag údaráis na mBallstát den Aontas Eorpach nó den Limistéar Eorpach Eacnamaíoch agus le cáilíochtaí atá aitheanta mar cháilíochtaí coibhéiseacha ag údaráis ábhartha na mBallstát den Aontas Eorpach nó den Limistéar Eorpach Eacnamaíoch.

III - CRITÉIR ROGHNÚCHÁIN

Na hiarrthóirí a chomhlíonann na critéir incháilitheachta a leagtar amach thuas, déanfar iad a mheasúnú agus a scóráil i gcoinne **critéir roghnúcháin**. I gcás iarrthóirí nach gcomhlíonann ceann amháin nó níos mó de na critéir roghnúcháin, ní dhéanfar iad a eisiáimh láithreach as an roghnú.

Na **critéir roghnúcháin** a úsáidtear chun iarratais na n-iarrthóirí a mheasúnú:

- › Taithí ghairmiúil chruthaithe 3 bliana ar a laghad i dtionscnamh airgeadais: gealltanais;
- › Taithí ghairmiúil chruthaithe 3 bliana ar a laghad i dtionscnamh airgeadais: íocaíochtaí;
- › Taithí ghairmiúil chruthaithe 3 bliana ar a laghad ar sholáthar agus bainistiú conarthaí;
- › An t-eolas is gá ar Bhéarla⁸ (leibhéal B2 ar a laghad sna 3 réimse);
- › An t-eolas is gá ar Fhraincis⁹ (leibhéal B2 ar a laghad sna 3 réimse);
- › Meastar gur buntáiste é taithí ar uirlisí bainistíochta airgeadais an AE a úsáid.

² Más infheidhme

³ Sula gceapfar é/i, ní mór don iarrthóir a n-éireoidh leis/léi teastas a chur ar fáil ina léireofar nach bhfuil aon taifead coiriúil aige/aici

⁴ Sula gceapfar é/i, cuirfean an t-iarrthóir rathúil faoi réir scrúdú dochtúra in ionad leighis a ainmneoidh an Ghníomhaireacht lena dheimhniú go gcomhlíonann sé/sí riachtanais Airteagal 13 de Choinníollacha Fostaíochta Sheirbhísigh Eile na gComhphobal Eorpach.

⁵ Do mháthairtheanga nó teanga oifigiúil eile AE a bhfuil eolas an-mhaith agat uirthi a chomhfhreagraíonn do leibhéal C1 mar a shainítear í i gComhchreat Tagartha na hEorpa um Theangacha (CEFR) <http://europass.cedefop.europa.eu/en/resources/european-language-levels-cefr>

⁶ Eolas ar theanga oifigiúil eile de chuid an Aontais Eorpaigh a chomhfhreagraíonn do leibhéal B2 ar a laghad mar a shainítear i gComhchreat Tagartha na hEorpa um Theangacha (CEFR)

⁷ Féach Airteagal 52 (a) de Rialachán Foirne Oifigigh an Aontais Eorpaigh maidir le Gníomhairí Sealadacha de réir analaí, Airteagal 47 de Choinníollacha Fostaíochta Sheirbhísigh Eile na gComhphobal Eorpach.

⁸ De thairbhe gurb é Béarla teanga oibre na Gníomhaireachta, tá leibhéal C1 ar a laghad (sna 3 réimse; Labhairt, Scríobh agus Tuiscint) i mBéarla ag teastáil

⁹ De thairbhe gur teanga ábhartha chumarsáide í Fraincis le páirtithe leasmhara inmheánacha agus seachtracha sa réimse airgeadais, tá leibhéal B2 ar a laghad (sa 3 réimse; Labhairt, Scríobh agus Tuiscint) i bhFraincis ag teastáil

Ní mór don iarrthóir an cur síos is beaichte is féidir a dhéanamh san fhoirm iarratais ERA maidir leis na cáilíochtaí oideachais/acadúla agus an taithí ghairmiúil atá aige nó aici.

Is iad na hiarrthóirí sin amháin a bhainfidh amach 60% ar a laghad de na pointí iomlána a bhronntar do na critéir roghnúcháin a chuirfear san áireamh agus a dtabharfar cuireadh chun freastal ar agallamh agus ar thriail scríofa dóibh.

IV – AGALLAMH AGUS TRIAIL SCRÍOFA

Iarrthóirí a roghnófar chun freastal ar chéim na trialach, lena n-áirítear agallamh struchtúrtha agus triail scríofa, déanfar iad a mheasúnú agus a scóráil in aghaidh na gcritéar a leanas:

1. Don agallamh:

Scileanna boga (ní mheastar iad seo ach san agallamh amháin) :

- › Spreagadh;
- › Scileanna cumarsáide;
- › An cumas obair chruinn a chur ar fáil faoi bhrú agus laistigh de spriocdhátaí dochta, ualach oibre a eagrú agus tascanna a chur in ord tosaíochta;
- › Cumas oibriú le daoine eile.

Sainscileanna gairmiúla:

- › An cumas cumarsáid a dhéanamh i mBéarla (leibhéal B2 ar a laghad) agus i bhFraincis (leibhéal B2 ar a laghad);
- › Eolas ar Rialachán Airgeadais AE agus ar a rialacha cur chun feidhme.

2. Don triail scríofa:

- › Scileanna anailíseacha agus réitigh fadhbanna;
- › Scileanna tuairiscithe;
- › An cumas scríobh i mBéarla (leibhéal B2 ar a laghad).

Is mar seo a leanas a chinntear na scóir i leith na n-agallamh agus na trialach scríofa:

- › An scór iomlán don agallamh: **60 pointe** An scór íosta chun pas a ghnóthú: **42 pointe (70% de 60 pointe)**
- › An scór iomlán don triail scríofa: **40 pointe** An scór íosta chun pas a ghnóthú: **28 pointe (70% de 40 pointe)**

Ní dhéanfar measúnú ar thriail scríofa na n-iarrthóirí i gcás nach ngnóthaítear an scór íosta chun pas a ghnóthú san agallamh.

Chun measúnú a dhéanamh ar an eolas maith atá agat ar Fhraincis, tabhair do d'aire go gcuirfear ceist amháin san agallamh sa teanga sin. Táthar ag súil go bhfreagróidh iarrthóirí i bhFraincis.

I gcás cainteoirí dúchais Béarla, déanfar tástáil le linn an agallaimh ar do chumas cumarsáid a dhéanamh sa dara teanga AE atá agat. De thairbhe gur cuid é sin de na ceanglais ghinearálta a luaitear thuas, eiseofar aon duine ón roghnúchán mar gheall ar mhainneachtain leibhéal sásúil sa dara teanga AE a chruthú.

<i>IV – ACHOIMRE</i>	
<i>An Gníomhaireacht:</i> Clliceáil anseo chun cur síos a fháil ar an nGníomhaireacht agus ar a heintitis i dteangacha éagsúla an AE	
<i>Dáta foilsithe:</i> 17/05/2023	<i>Spriocdháta le haghaidh iarratas:</i> 15/06/2019 (23.59 ALE, am áitiúil Valenciennes)
<i>Cineál conartha:</i> Gníomhaire Sealadach2(f) <i>Feidhmghrúpa agus grád:</i> AST3	<i>Áit fostaíochta:</i> Valenciennes, An Fhrainc
<i>Fad an chonartha:</i> 4 bliana agus féadfar é a athnuachan go ceann tréimhse chinnte nach faide ná 2 bhliain. Má dhéantar é a athnuachan don dara huair, is conradh éiginnte a bheidh i gceist	<i>Buntuarastal míosúil:</i> EUR 4 188.45 ag céim 1 le fachtóir ualaithe de 16.8% (ó 01/07/2022 ar aghaidh) móide liúntais shonracha nuair is infheidhme
<i>Ní mór iarratais a sheoladh le ríomhphost amháin chuig an mbosca ríomhphoist a leanas:</i> jobs@era.europa.eu go dtí 15/06/2023 (23.59 ALE, am áitiúil Valenciennes) ar a dhéanaí	<i>Liosta ionadaithe:</i> Cuirfear na chéad 10 (líon táscah) n-iarrthóirí ar an liosta ionadaithe, rud a bheidh bailí go dtí: 15/06/2025, a bhféadfaí síneadh ama a chur leis
<i>An nós imeachta iarratais:</i> clliceáil anseo	<i>An nós imeachta roghnúcháin:</i> clliceáil anseo
<i>Nósanna imeachta achomhairc agus gearáin:</i> clliceáil anseo	<i>Cosaint sonraí:</i> clliceáil ar Chosaint Sonraí Gníomhaireacht Iarnróid an Aontais Eorpaigh (europa.eu) agus scrolláil síos chuig an gcuid “Foireann na Gníomhaireachta (TA, CA, SNE agus oiliúnaithe) a roghnú agus a fhostú”